

祝文 部頒

致祭於

龍王之神曰惟 神德洋洋寰海澤潤蒼生允襄水土之平

經流順軌廣濟泉源之用膏雨及時續奏安瀾占大

川之利澤功資萬物欣庶類之繁昌仰藉

神庥宜隆報享謹遵祀典式協良辰敬布几筵肅陳牲

幣尚 饗

凡遇旱乾祈禱各官俱穿朝服行二跪六叩首禮遵

部文令僧道誦經禁止屠宰惟祭壇用牲各衙門照

昆州廳志 卷之二十 祀典

署

常辦事祭品物色悉照省會遵行

祝文 部頒

致祭於

龍神之前曰雨澤之及時動關民瘼農夫之望歲端賴

神功茲當秋夏之交直泱數旬而不雨晷彼中遲之稻

難期四野之豐收虔設齋壇懇邀

靈應炎熒目甚盼望彌殷 某 職任撫循情深呼籲伏冀

垂育物之仁立驅旱魃顯回天之力大沛甘霖萬姓

蒙庥羣生誌慶謹 告

廳屬壇 每歲春清明日秋七月十五日冬十月朔日

致祭每祭均平銀兩支領詳報其神號曰

厲厲者無祀之鬼曰秦厲公厲族厲鄉厲洪武三年

京師設祭二壇迎城隍神位於上其下設無祀鬼神

位於左右用羊三豕三飯米三碩香燭紙酒隨用祭

設 時陳

城隍神位前

儀注

前期一日齋戒主祭官備香紙詣城隍廟焚告牒行

昆州廳志 卷之二十 祀典

天

晚三 叩首 至日各官著補服於壇上城隍位前行禮 唱 盥

洗 就位 唱 上香 復位 迎神 一跪三叩首興

詣

城隍神位前跪 獻帛 獻爵 凡 叩首興 詣讀祝位前

跪 讀祝文 叩首 凡 興 復位 徹饌送神 一

跪三叩首興 焚帛祝紙馬 復位 禮畢

祝文

致祭於

城隍之神曰普天之下后土之上無不有人無不有鬼神

人鬼之道幽明雖殊其理則一故制有治人之法卽制有事神之道念厥冥冥之中無祀鬼神昔爲生民未知何故而歿其間有遭兵刃而損傷者有死於水火盜賊者有被人取財而逼死者有被人強奪妻妾死者有遭刑禍而負屈死者有天災流行而疫死者有爲猛獸毒蟲所害者有爲飢餓凍死者有因戰鬪而殞身者有因危急而自縊者有因墻屋傾頽而壓死者有死後無子孫者此等孤魂死所無依最堪憐憫或依草附木或作妖爲怪徘徊於星月之下悲號

昇州廳志卷之二十 祀典

哭

於風雨之中今迎

尊神以主此祭謹設壇於城北茲當某月某日照填清

佳節謹備牲醴羹飯專祭本廳闔境無祀鬼神等眾

靈其不昧來享此祭尙饗

附前期告牒文

昇州直隸廳某遵承禮部劄付爲祭祀本廳闔邑無

祀鬼神等眾事欽奉

皇帝聖旨此下照告文填入依時享祭命本境城隍以主此祭鎮

控壇場鑒察諸神等類其中果有生爲善良歿遭刑

禍死於無辜者神當達於所司使之還生中國來享太平之福如有素爲兇頑身犯刑憲雖獲善終出於僥倖者神當達之有司屏之四夷善惡之報神必無私欽奉如此今某等不敢有違謹於某年某月某日於城北設壇置備牲醴羹飯享祭本廳無祀鬼神等眾然幽明異境人力難爲必資神力庶得感通今特移文於神先期分遣諸將召集本廳闔境鬼神等眾至日悉赴壇所普享一祭神當欽承

昇州廳志卷之二十 祀典

勅命鎮控壇場鑒察善惡無私昭報爲此牒請伏惟

照驗施行

火神廟每歲廳官擇日致祭神號曰火德熒星之神

祭品有果實五餘

儀注行三跪九叩首禮餘同社稷壇

祝文部頒

致祭於

火德熒星之神曰恭惟尊神正位離明體陰用陽配坎

福民有功民社祀典崇新茲屆仲春秋敬薦豆馨惟望

神靈默佑 星曜含精上報懷柔之
盛世下錫康吉於蒼生判牲酌酒 神其鑒此一誠尙
饗

昭忠祠 每歲廳官擇日致祭
行二跪六叩首禮

祠制 祠與火神廟毗連嘉慶二十五年由廳購
備地基籌款建造二廟基地餘田併詳祠廟

天驕廟 一名馬祖廟建祀馬祖按爾雅天驕房也周禮
春祭馬祖夏祭先牧秋祭馬祖冬祭馬步注馬
祖天驕也先牧始養馬者后世皆以四仲月
舉行祀事此王禮也其在外者率祭馬祖云

晃州廳志 卷之二十 祀典

至

晃州廳志卷之二十一

兵制

三代之前兵制備矣自漢以後遞有變更要於法制
相維然及其久也則皆不能無弊我

朝混一函夏威震百蠻設立提鎮副將叅遊都守弁兵
相要區而彈壓之嘉慶初年尙匪負嵎賴師武臣力
以次廓清今廳治更始壁壘一新比什伍而時簡閱
將使邊鄙不聳稽人成功不居然爲節制之兵也哉

志兵制

晃州廳志 卷之二十一 兵制

雍正元年奉

上諭副將叅將遊擊等官朕惟國家兵制凡疆宇要地既設
提督總兵統率鎮守又設副將叅遊分別營伍遞相鈐轄
蓋從古治兵有大帥必有偏裨所以宣揚威武協贊軍機
收指臂之效奠磐石之安也爾等所屬地形有險易兵數
有多寡各宜預定練兵之法親校騎射嚴試技勇簡拔驍
銳更換老羸務令一營士卒人材雄健武藝精閑又時教
以行陣使之步伐進退井然有法日演月習氣壯心齊自
成有制之師而無難折衝禦侮矣乃有不肖將兵不勤訓

練按籍徒有虛名責效毫無實濟營伍廢弛爲害最大究其弊由於將弁之貪利而廢法一在冒虛糧而兵無實數一在尅月糧而兵有怨心上虧天家之糧餉下腹窮民之脂膏身司戎務而不能廉正以服眾雖日示訓練之法誰爲之踴躍用命乎爾等遇有兵丁空缺卽選力勇技精者補足隊伍至於馬步各糧按期領給不得尅減分毫古之良將多以愛惜士卒克建膚功投醪挾纊之風爾宜知嚮慕焉官軍之協守一方所以捍衛一方之百姓也故曰設兵以衛民也防亂於未萌緝奸於已發俾居民安家樂業

晃州廳志

卷之二十一 兵制

二

共享昇平自然受兵之利而不受兵之害倘或約束不嚴縱兵肆虐誘賄放債恃強奪利甚至地方小警漫不防禦緝捕以致奸宄滋蔓徒卸責於有司文武失和秦越相視殊背國家設兵鎮守之意律法俱在罪有攸歸至於爾等簡用督撫中軍責任匪輕尤宜潔已奉公恪遵法紀至都司守備千總把總等員各有城守汛防之責亦宜努力稱職自奮功名朕念爾等曾受

皇考選擢之恩自應保守前勞力圖後效果能整飭戎伍允著干城之望朕自不惜寵以崇階倘若廢弛武備侵漁模

芻甚且妄執武官不惜死之言恣意逞威虐民生事爲害於地方王法森嚴決難輕貸特諭

歷代軍志

宋

禁軍宋史禁兵者天子之衛兵也殿前侍衛二司總之以守京師備征伐其在外者非屯駐屯泊則就糧軍也天聖寶元間荆湖路募宣毅凡二百八十人皇祐五年荆湖置教閱忠節州一營大州五百人小州一百人於是宣毅寢廢不復補而荆湖益募雄畧焉

晃州廳志

卷之二十一 兵制

三

祐四年詔荆南募就糧號威果各營又益遣禁軍駐泊長吏兼本路兵馬鈐轄選武臣爲都監專主訓練於是東南稍有備矣

有馬雄畧指揮宋史紹聖元年沅州增置有馬一隸侍衛騎軍司每軍有都指揮使都虞候每指揮有指揮使副指揮每都有軍使副兵馬使十將將虞候承局押官按宋史崇寧元年詔荆湖北路添置禁軍五指揮以靖安爲各隸侍衛步軍司沅州當有移駐者

厢軍宋史厢軍者諸州之鎮兵也內總於侍衛司一

軍之額有分隸數州者或一州之營兼屯數州者建隆之初選諸州募卒之壯勇者部送京師以備禁衛餘畱本城雖無更戍然卒教閱類多給役而已嘉祐中東南州軍多置教閱以威勇忠果壯武爲號訓練如禁軍免其他役熙寧中湖南徭人平增置焉

宣節指揮宋史熙寧七年九月沅州置一荆湖路騎軍之額三步軍之額二十併爲一額隸侍衛司其將校有都指揮使有副都指揮使都虞候諸指揮使有指揮使副指揮使每都有軍使副兵馬使都頭副都

泉州縣志

卷之二十一

兵制

四

一以十將將虞候承局押官建炎後因之

牢城指揮宋史荆湖路州軍皆置以待有罪配隸之人充步軍之額熙寧七年別爲一軍

鄉兵宋史鄉兵者選自戶籍或土民應募在所團給訓練以爲防守之兵也咸平中荆湖南北有弩手士丁文獻通考乾道四年帥司劉珙言荆湖兩路民兵充義勇乞並免科役及身丁口每七十五人爲一隊遇校教閱之日以營屯田之穀充其費奏可大抵郡皆有義勇惟澧州石門慈利不置籍紹興末守臣

亦籍之

義軍士丁弩手文獻通考溪崗諸蠻種類滋熾保據巖險或叛或服控制陬落須其土人故置是軍皆選自戶籍蠲免徭賦番戍寨柵大率安其風土則罕嬰瘴毒知其區落則可制狡獪其校長則有都指揮使副都指揮使指揮使副指揮使都頭副都頭軍頭頭首等員皆叙功遷補北路總一萬九千四百人番戍諸蠻或以歲或以季或以月人給口糧有功遷補宋

泉州縣志

卷之二十一

兵制

五

名稱重疊將兵馬都鈐轄司招填士丁改爲營田刀弩手

營田刀弩手宋史蠻夷傳紹興六年知鼎州張覺言辰澧沅靖與溪崗接壤祖宗時嘗置弓弩手得其死力比緣多故遂皆廢闕宜別募溪崗可得三百人俾加訓練給田募人開墾以供邊儲詔下荆湖北路帥司議以爲營田四州舊置弓弩手九千人自靖康調援河東全軍陷沒今可減元額定爲三千五百人辰州千人沅州千五百人澧靖各五百人分處要害量

給土田以時訓練耕戰合度庶可備禦其所餘間田募人以耕收其租於邊防財賦兩便從之文獻通考紹興元年沅州奏熙寧末始勸營田鼎澧辰沅靖置弓弩手四千靖康間調發不存乞以間田募佃招弓弩二千人宋史兵志熙寧以辰沅五郡弓弩手萬三千人散居邊境訓練無事耕作有警調發紹興後增損靡定按諸書或稱弓弩手或稱刀弩手或稱萬弩手名額不一大抵土番人給口糧散處者給土田總占爲十丁而額則隨時增損初無定制也

晃州廳志

卷之二十一

兵制

六

元史兵志國初典兵之官視兵數多寡爲爵秩崇卑長萬夫者爲萬戶千夫者爲千戶百夫者爲百戶萬戶之下置總管千戶之下置總把百戶之下置彈壓立樞密院以總之遇方面有警則置行樞密院事已則廢而移都鎮撫司屬行省萬戶千戶百戶各分上中下按元設兵戎諸路有萬戶翼元史所謂調兵屯守爲鎮戍者是也

上均州翼萬戶府辰州府志至元二十四年以上均

州萬戶府全翼軍馬鎮守辰沅靖三州三十一年江南湖北道廉訪司僉事張經上言沅州正衝八番思播係邊遠重地宜依舊爲路兼管靖州仍於兩州沿邊諸砦設立巡檢及鎮守辰沅靖上均州萬戶府官三員各分鎮守詔從之

鎮巢翼萬戶府元史大德三年三月沅州賊人嘯聚命以毗陽萬戶府鎮守辰州鎮巢萬戶府鎮守沅州靖州上均萬戶府鎮守常德澧州

軍弓手元史諸路府所轄州縣設縣尉司巡檢司

晃州廳志

兵制

七

捕獲盜所皆置巡軍弓手其數有多寡不同職巡邏專

明

衛兵明史天下既定度要害地係一郡者設所連郡者設衛大率五千六百人爲衛千一百二十人爲千戶所百十有二人爲百戶所設總旗二小旗十大小聯比以成軍其取兵有從征有歸附有摘發其軍皆世籍洪武八年改在外都衛爲都指揮使司隸在京大都督府十三年改大都督府爲前後中左右軍都

督府分統諸軍司衛所顧炎武兵制論二祖之制衛所給軍田立屯堡且耕且守人受田五十畝賦糧二十四石半贍其人半給官俸及城操之軍按明制衛兵有征操軍有屯旗軍有屯種軍征操軍者人則守城以時訓練出則守寨按季踐更屯旗軍乃國初奉紅牌及樣田事例之屯軍也屯種軍即現在頂種之屯軍也

沅州衛指揮司明史兵志沅州衛屬湖廣都司隸在京前屯都督府明史職官志衛指揮使司設指揮使

見州廳志

一兵制

八

一人指揮同知二人指揮僉事四人鎮撫司鎮撫二人其屬經歷司經歷知事吏目倉大使副使各一人凡襲替陞授優給優養及屬所軍政掌印僉書報都指揮使司達所隸都督府移兵部凡管理衛事惟屬掌印僉書不論指揮使同知僉事考選其才者充之前千戶所後千戶所中千戶所左千戶所右千戶所明史每衛設前後中左右五千戶所每所正千戶一人副千戶一人鎮撫二人其屬吏目一人所轄百戶所凡十人共百戶十人總旗二十人小旗百人凡千

戶一人掌印一人僉書曰管軍千戶百戶有試有實授其掌印恆以一人兼數印自衛指揮以下其官多世襲其軍士亦父子相繼爲一代定制舊志按湖廣通志沅州衛兵五千一百八十三名舊州志沅州衛領有羅舊冷水晃州壩坪等堡凡十有一哨城東有奇兵營營有勇兵有打手督營有官練兵有長又黔陽縣有黔陽竹灘安江三堡以本衛官軍哨守此沅衛操防之大畧也惟州志載全衛兵數與初制不符蓋至明季而衛所之軍失其舊矣顧亭林所謂久安

見州廳志

兵制

九

弛備政圯伍虛合天下衛所計之兵不下二百萬而曾不得一人之用者此也

分守明史總鎮一方者爲鎮守獨鎮一路者爲分守各守一城一堡者爲守備與主將同守一城者爲協守舊志按明制湖廣總兵官一人駐省城有分守叅將及守備等官自總兵官以下無品級無定員蓋總兵副總兵率公侯伯都督充之明初雖叅將遊擊把總亦多有充以勳戚都督等官至後則杳然矣弓兵明史兵志在巡檢者稱弓兵明史職官志凡在

外各府州縣關津要害處俱設巡檢司俾率徭役弓兵警備不虞舊志按明制弓兵之設初括民丁役之統於巡檢役者復其家宏治二年始以田賦定差役嘉靖末以弓兵多逃始減兵數弓兵徒有其名而已要之巡司絡繹分則自衛疆場合則併力勦捕村落有警入砦避寇猶有堅壁清野之意亦副所不容畧者也

見州巡檢司明史地理志沅州西有巡檢司

國朝

見州廳志卷之二十一 兵制

十

沅州鎮順治十五年設康熙三十九年移駐五寨司改為鎮守鎮

總兵官一員

中營

遊擊一員 守備一員 千總二員 把總四員

左營

遊擊一員 守備一員 千總二員 把總四員

右營

遊擊一員 守備一員 千總二員 把總四員

水師營

遊擊一員 守備一員 千總二員 把總四員
標下馬步戰守兵丁三千名

舊志按沅州自順治十五年寇難甫平節使交駐議者猶以武備為言謂地遠則羽書之調發需時番戍則芻糧之齎輓難繼况是時屯衛初并邊陲多警所以備倉卒而捍收圉者於是乎在故立鎮焉體制綦嚴重矣承平既久營設益周此邦氓庶仰蔭於帥府坐鎮者殆四十餘年越康熙三十九年以沿邊苗亂相尋資重兵就近彈壓遂撤此鎮移駐鎮竿總督郭瑞琦奏疏

見州廳志卷之二十一 兵制

十一

見藝文

沅州協康熙三十九年設

副將一員

都司一員

守備一員 原駐清浪雍正六年裁撥綏寧營乾隆

三年復設駐見州

千總五員 原設存城一員專城一員甘味一員今

移駐懷化共四員乾隆三年添設一員隨防見州

把總八員 原設存城一員清浪一員平溪一員見

州一員便水一員沅河一員懷化一員今改防熟坪
銅灣一員雍正六年奉 文將清浪平溪二員改撥
綏寧營乾隆三年復設隨防晃州一員又黔陽縣汛
向隸鎮筵鎮標後改歸本營管轄

外委千總二員 雍正七年添設晃州一員乾隆十
六年添設托口一員

外委把總五員 雍正七年添設三員協防存城沅
河涼傘乾隆六年添設二員協防甘味銅灣

額外外委二員 乾隆二十七年奉 文添設

晃州廳志

卷之二十一

兵制

三

舊志載全協馬兵八十一名步戰兵二百九十名守
兵六百二十九名共一千名

原額兵丁九百五十名康熙四十五年撥二十三名
補鎮筵鎮雍正七年裁撥清浪平溪二汛兵二百三
十七名歸綏寧營實存留本協六百九十名乾隆二
年添設一百名三年又添防守晃州兵丁一百五十
名是年又撥鎮筵鎮標分防黔陽縣汛兵六十名歸
本協統轄通計一千名 內除各官養廉並營中公
費一百七十五名實在差操兵丁八百二十五名存

城一百八十名分防各塘汛六百四十五名
謹按乾隆四十六年欽奉

諭旨武職改給養廉將虛糧盡行挑補實兵誠爲千古之
曠典萬禎之

鴻謨用特詳錄於右

副將一員養廉銀八百兩 都司一員養廉銀二百

六十兩 守備一員養廉銀二百兩 千總五員每

員養廉銀一百二十兩 把總八員每員養廉銀九

十兩 外委七員每員養廉銀一十八兩 額外外

晃州廳志

卷之二十一

兵制

三

委二員 外各官俸薪等銀一千九十九兩一錢五
分零 坐馬四十六匹

額設經制兵丁九百四十五名內除經制外委七員
額外外委二員實在兵丁九百三十六名內馬兵九
十名戰兵一百九十三名內弓箭兵丁二十八名兼
弓箭字識二名烏鎗兵丁一百四十二名兼烏鎗字
識八名籐牌兵丁六名刷刀兵丁四名炮手兵丁三
名守兵六百五十三名內字識二十一名弓箭兵丁
五十二名烏鎗兵丁五百三名籐牌兵丁二十四名

刷刀兵丁二十六名炮手兵丁二十七名每年二月十五開操至六月十五日封操又於七月十五日開操至十月十五日封操其操演各兵技藝俱按月逢一四七日操演鳥鎗大炮試準二五八日操演馬步弓箭三六九日操演籐牌刷刀每逢十日帶領馬步兵丁在於教場照依頒發陣式號令操演大陣官兵騎射馬箭

馬兵餉銀二千二百三十四兩六錢二分八釐外搭錢二萬二千五百七十二文

晃州廳志 卷之二十一 兵制

古

戰兵餉銀三千三百二十四兩四錢一分八釐外搭錢三萬三千五百八十二文

守兵餉銀七千五百二十四兩八錢二分八釐外搭錢七萬六千九百二十文

額設經制營操馬九十九匹每年每匹春冬二季支草乾銀七兩二錢夏秋二季支草乾銀三兩共支草乾銀十兩二錢合計馬乾銀一千四百六十四兩二錢一分外搭錢一萬四千七百九十文每年准報倒三十四匹領馬價銀四百二十兩

本營官兵養廉俸餉係兩季赴司請領回營寄貯沅州府庫按季會同沅州府齊集公所唱名支放

本營兵米每年自正月起至五月二十六日止係赴芷江縣倉每年支本色黔米一石四斗六升三合又自五月二十七日起至年底止係赴長沙糧道衙門請領折色錢文每石折價六錢又於遵

旨議奏事案內奉文預年請領一季米折錢文回營買米存貯本營倉內俟秋冬錢米搭放支食又詳准每年四月內於青黃不接之時在於芷江縣常平倉每兵

晃州廳志 卷之二十一 兵制

古

支穀二石以資接濟其價在於本年秋冬二季扣餉移縣買補還倉共計歲需米三千四百二石內本色米一千四百六十三石折色米一千九百三十九石每石六錢折價共銀易錢一百一十六萬三千四百又

營設子母炮六位鐵百子炮十位每月按一四七日操演以及打靶每位俱食藥一兩五錢又劈山炮一位俱按一四七日隨操演放以及打靶每炮食藥四兩五錢又貢炮一十八位每位食藥一十四兩每年

十月內演放一次

額貯火藥九千七十九斤又外備火藥三千二十六斤內鎗手兵丁六百四十五名每年自開操之時逐月每逢一四七日一月操演九次每一次每兵施放三鎗每鎗火藥三錢三鎗合計一次共用火藥五百八十二兩四錢算該三十六斤六兩四錢操至年底共需火藥三千五百三十二斤查前項火藥原係長沙善化二縣請領硝斤回營配造每一百斤用淨硝七十五斤照詳定價值銀二兩九錢一分三釐九毫

晃州廳志

卷之三十一

兵制

去

自長裝運回營水脚銀一錢五分加礮七斤八兩價銀三錢二分三釐八毫自長裝運水脚銀一分五釐加炭十七觔八兩價銀一錢七分五釐工價銀一兩造成一百觔共用工料銀四兩五錢七分七釐七毫近改赴永順府龍山縣請領硝斤回營配造火藥一百觔用淨硝七十五觔照詳定價銀四兩五錢加礮七觔八兩價銀三錢二分三釐八毫二絲加炭十七觔八兩價銀一錢七分五釐工價銀一兩造成一百觔共銀七兩四錢九分八釐八毫二絲外龍山搬運

回營水脚銀一兩三分一釐五毫均在公費內備價解交南藩司衙門彈收領買硝礮回營配製補額報銷又額備鉛彈九千七十九斤零每年施放鎗炮需用鉛彈一千九百六十四斤係長沙衡州一帶採買回營製備每製成鉛彈一百觔共用價值水脚炭工銀五兩二錢四分四釐一絲七忽其價銀亦在公費內動支報銷

晃州汛

存汛馬步兵一百五十二名分防塘兵四十五名

陸大路

塘九掛榜塘

南寧塘

鮎魚塘

楓木堆

晃州廳志

卷之三十一

兵制

去

大魚塘

酒店塘

晃州塘

新村塘

波州塘

以上各兵四名

水大路

塘四新寨塘

兵三

龍溪塘

株木塘

江口塘

以上各兵二名

甘昧汛

存汛兵五十一名公防塘兵十二名

陸僻路

塘三皂溪塘

舊塌塘

惡灘塘

以上各兵四名

涼傘僻路汛

外委一員駐防領兵二十九名無塘乾隆二十四年將外委一員調晃州把總

一員駐防涼傘

以上共十六塘每塘塘房三間煙墩五箇望

樓一座

嘉慶二十二年通判俞克振署晃州廳事申詳晃州甘昧涼傘三汛晃州汛駐守備一員千把總外委各一員馬戰守兵一百九十九名甘昧汛駐外委一員戰守兵六十一名涼傘汛駐把總一員戰守兵二十九名總計晃州守備所轄全汛外委兵丁二百九十一員名每員名應支年例月米三石六斗內除糧道衙門領支折色米每石六錢折價米二石一斗三升七合外每員名實應例支芷江縣停應黔米一石四

晃州廳志

卷之二十一

兵制

太

斗六升三合共計歲支本色米四百二十五石七斗三升三合應請卽以此數作為定額每年由廳於酌貯常平倉額穀一萬石內動碾供支候秋成後由廳赴司庫領價在於六里地方均勻買補還倉等情前項兵米由廳按數動支秋後由廳赴司領價在六里地方均勻買補還倉其芷江縣兵米照減辦數在三十二里均買奉准遵行在案

晃州甘昧涼傘三汛官兵養廉俸餉由沅州府庫領回晃州守備會同晃州廳按季齊集公所唱名支放

廳詳有案

晃州甘昧涼傘三汛官兵均歸沅州協統管晃州汛守備兼管

晃州汛兵房

上營盤東邊兵房二十一間 西邊兵房九間

上街兵房四十一間 下街兵房十間

增添塘房

甘昧新撥把總一員額設制兵六十一名內分佈各塘兵二十七名

晃州廳志

卷之二十一

兵制

九

陸路石馬溪添建塘房一座

安兵三名

晏家寨添建塘

房一座

安兵三名

扶羅添建塘房一座

安兵三名

橫坡添

建塘房一座

安兵三名

新寨添建塘房一座

安兵三名

貢

溪添建塘房一座

安兵三名

涼傘汛新撥千總一員額設制兵二十九名分佈各

塘兵丁六名

冲場添建塘房一座

安兵三名

八芒添建塘房一座

安兵三名

嘉慶二十四年制憲慶 以四里地方遼闊山川險

阻由扶羅等處至涼傘綿亘一百餘里原設塘汛兵丁孤懸聲勢未能聯絡兼之民俗强悍致有吳映璵毆官巨案奏將晃州千總移駐涼傘涼傘把總移駐甘昧其甘昧外委撥歸晃州守城並由石馬溪等處各按十里添設塘房一座每處建塘房三間望樓一座排樓二座墩臺一座烟墩五箇兵房一座安兵三名駐守由辰沅道籌建奉准 部覆通判俞克振造冊具詳

晃州廳志

卷之二十一

兵制

三

邊防

古之從軍者必熟悉山川之阨塞詳記道里之幽遐故聚米爲山而虜如在目背水作陣而敵亦成擒度沙蟲之巢穴倚谿嶂爲干櫓一旦有警指揮而定之矣

國家承平日久則易狃宴安保民者慮之於無事之日鎮之於有備之時戒戎作以遏蠻方雖不必圖上方畧已足以固吾圉矣志邊防

晃州廳志

卷之二十二

邊防

一

晃州廳路接黔苗五代時爲蠻酋田氏據守宋熙寧間墮其新城其控制章程俱無所考至明沅州衛築堡始設官兵於此

國朝順治初設汛爲晃州汛以把總一員守焉乾隆三年裁撥靖州綏寧營守備一員駐此又增設千總一員把總二員隨防領防汛馬步兵丁凡一百四十一名又統分防各塘兵共計四十五名又崇奉其城垣而新築之周覆以瓦洞其四門增置公署營防又新設涼山司同城兼領驛事此汛遂爲重防本汛轄陸

路塘九

掛榜塘 魚塘

南寧塘 酒店塘

見州塘 鮎魚塘

新村塘 楓木塘

波川大

塘以上共

水路塘四

新寨塘三名

龍溪塘

以上各二名

兵三十六名

木塘

江口塘

皆徑路也陸路自本汛見州塘至對伙塘由西而東

凡三十二里八分又八里與便水汛會哨又由東而

西自見州塘至掛榜塘凡五十里二分又四里二分

至煤炭坳與貴州思州府玉屏縣汛東門塘分界是

爲見州西陸路之境

又自本汛新村塘過渡西南十二里五分與甘味汛

惡灘塘會哨又自本汛見州塘西南九十五里至涼

見州廳志

卷之二十二

邊防

二

傘汛又水路自株木塘至江口塘由西而東凡三十

七里又九里一分與便水汛黃猴灘水塘會哨又由

東而西自本汛至新寨塘凡三十五里又西三里至

小鼓礫與貴州思州府玉屏縣北門塘分界是爲見

州西水路之境此汛水陸俱接連黔省非惟本邑關

門實全楚邊微重地防禦要不可忽由廳而西於黔

苗尤爲密邇其扼要處則莫如甘味涼傘坪甘味汛

設於箐岩深處駐防千總一員協防外委一員領兵

六十三名以五十一名存汛十二名分防各塘轄陸

路塘三

見溪塘

舊塘

以上各兵四名

自本汛至惡灘塘由西迤北凡七十里又東北十二

里五分與見州汛新村塘會哨又自本汛迤南二十

里至岑樓坡與貴州思州府分界是爲見州西南陸

路之境

涼傘汛設於涼傘坪乾隆六年撥見州汛外委駐防

乾隆二十四年議改經制把總移置於此領兵二十

九名守汛未另轄塘

自本汛東北九十五里至見州汛又自本汛西三十

見州廳志

卷之二十二

邊防

三

五里至韭菜塘與貴州思州府青谿縣汛分界是爲

見州西陸路之境此汛去本營絕遠傳箭非朝夕可

到巡邏未可稍弛也

兗州廳志卷之二十三

屯田

充國屯金城而大費省武侯屯渭濱而軍無私自古
護邊之策莫善於此前明謂養兵百萬不費民間一
粒信不誣矣

國朝南省九谿永定二所昔設屯田自改衛爲縣屯額
尙存近則嘉慶初年三廳苗地經巡憲傳均丈增
闢奏定屯糧見之屯田撥自他郡者亦未有幾然爰
稽自古考之於今有以見寓兵於農爲能不失井田

兗州廳志

卷之二十三

屯田

一

之遺意誠未可闕而不講也志屯田

國朝乾隆 年分黔省施秉縣撥歸屯田一畝七分二

釐八毫六絲六忽七微

每畝科徵秋米一斗五升

該徵秋米二斗

五升九合三勺

嘉慶 年分撥沅衛屯田七畝四分三釐二毫八絲

三忽

每畝照在城則田科算糧米

該秋糧米一斗八升二合二勺

四撮

兗州廳志卷之二十四

武功

粵稽馬希範銘績銅柱秦再雄振威五溪在昔庸功
不獨赫於伏波之征臨沅武侯之擒孟獲也西南壤
逼苗疆自前明迄

本朝屢勞天兵自經畧福平安於前巡憲傳芟夷於後
六里倚嶂憑濠一二熊貔之士不戰屈人固擅其形
便抑重臣特將有以肅將

天威也夫卻毅以禮樂詩書爲元帥保障斯土者毋亦念

兗州廳志

卷之二十四

武功

一

克壯之猷而不忘桓桓之尙乎志武功

唐開平三年楚王馬殷遣昭州刺史呂師周斬蠻酋潘

金盛於武岡自是辰州蠻朱鄴叙州蠻昌師益一時

歸投

叙州卽沅州

宋乾道二年殷直牛九齋因溪叙獎等州蠻首羣相攻

功奉遣詔諭之乃定

王存元豐九域志熙寧七年收復溪峒黔古嶺叙峽

中勝富羸繡允雲洽義獎晃波宜十七州卽唐叙錦

獎州地置沅州盧陽郡

元至元十四年安撫司同知郭昂招降溪崗蠻八十餘寨播州張華聚眾容山昂率兵討之十六年循西南界復新化安仁二縣擒劇賊張虎

明洪武三年上命周德興爲征蠻將軍討平諸崗蠻越十四年五溪蠻復亂遣德興復至而溪蠻悉散走沅見得享安平

嘉靖二十七年湖廣總督兵部左侍郎張岳奉詔討蠻賊龍許保吳黑苗檄遣總兵官沈希儀叅將石邦憲進攻銅仁先後斬賊魁五十三人後搜出箐谷餘賊

見州廳志

卷之二十四

武功

二

賊獻功掠思州印及許保湖廣兵亦破擒首惡李邦海等邦憲竟得黑苗以獻苗患息沅見始安

萬歷十一年尚蠻亂叅政蔡國珍分守辰沅見便將吏議物論之

萬歷十四年西黔苗劫掠沅州見四里及茅坪一帶兵備副使江東之遣衛官帶領奇兵禦之奪回擄去人口

萬歷二十七年檄遣李化龍進剿播州叛賊楊應龍時湖廣巡撫支可大移沅州化龍自將中軍策應帝

以楚地遼闊又擢江鐸爲僉都御史巡撫伯沅設偏沅巡撫自鐸始也

國朝順治十五年太保經畧洪承疇奉

欽命進討巡撫袁廓宇帥四將軍亦來會師沅州剪滅羣兇孫可望等恢復舊疆沅見四境清明

康熙二十八年哨官戴國忠勇畧過人駐劄洞坡哨集土兵堵禦苗不敢犯見境

乾隆六十年貴州銅仁及湖南乾州永綏鳳凰三廳苗叛見州一帶隨處戒嚴未獲安堵經畧公福康安

見州廳志

卷之二十四

武功

三

奉

旨率師由銅仁花園進剿駐師鎮筸越嘉慶元二年以次平定值福公卒於軍繼得辰沅道傅鼐多方勦撫苗患悉平

嘉慶二年貴州銅仁府屬之柴山教匪猖獗見州小紅旗洞波凱樓陽大魚塘龍溪口均一帶居民估客一日三驚鎮筸隨派官兵在各隘口晝夜戍守堵禦貴州撫軍馮光熊提軍花連布遊擊陳紹先等督師進剿花及陳盡節鐵鎮坪教匪愈熾尋得翼長常明

極力勦除晃境始安

兗州廳志

卷之二十四

武功

四

兗州廳志卷之二十五

驛傳

廳治東接龍標西馳駱越非惟皇華使節陸續相隨抑且羽檄簡書旁午倥偬迎來送往宜與他驛殊矣且雇役以候餉餉秣馬而供晨征膺衝要之任者何由於鉦鐸相聞之際無稽行旌而憂客使哉志驛傳乾隆八年六月十九日奉

上諭

驛遞關係郵傳最爲緊要濫騎濫應例禁甚嚴而外省投害之弊究不能免朕聞雲貴督撫資摺入京路經湖南

兗州廳志卷之二十五

驛傳

一

地方所用驛馬在勘合火牌額數以內者固當應付乃陋習相沿有在額數以外者地方官亦不得不應更有並無勘合火牌而私索強騎者亦不能不應及被該省查出又以州縣濫應驛馬照例叅處甚爲苦累著雲貴督撫嚴飭差弁家人凜遵功令不得於勘牌之外多索一騎如仍前不改經朕訪聞惟該督撫是問各省有類此者亦當一體凜遵欽此

乾隆二十年奉

上諭據御史胡定奏直省驛站夫馬車船各上司委員及親友